



## Universitätsbibliothek Paderborn

**R. P. Lucae Pinelli Societatis Jesu Theologi, De  
Perfectione Religiosa, Et Obligatione, Qvam Qvisqve  
Religiosus ad eam consequendam habet. Libri Quatvor**

**Pinelli, Luca**

**Mogvntiae, 1604**

XXIV. Quam conueniens sit religiosum esse obedientiæ studiosum.

[urn:nbn:de:hbz:466:1-46699](#)

secuto, plas spiritualis questus facere, quam  
qui opus exequitur. Religiosus, qui deside-  
rio tenetur ieiunandi ad carnem suam affi-  
gendum pro peccatis, & tamen propter o-  
bedientiam abstinet à ieiunio, plus apud  
Deum meretur abstinendo, quam alius ex  
pietate ieiunando. Hic enim tantum habet  
ieiunij meritum; ille vero non solùm iei-  
nij, quia ex parte sua paratus fuit ad ieiuni-  
um, sed etiam obedientiæ meritum repor-  
tauit. Iudica tuo modo, sitne priuilegium,  
quo obedientiæ beneficio ornaui religio-  
sos, vrile & salutare? Quo vero animo pu-  
ras me ferri in eos, qui tam parum affecti  
sunt ad obedientiam? O quantam iactu-  
ram facit bonorum spiritualium, qui suo ar-  
bitratu agit, quod per obedientiam agere  
poterat. Omne opus bonum, siue par-  
uum sit, siue magnum, si obedientiæ sigillo  
sit obsignatum summi precij est æquè in e-  
lo ac in terra.

*Quam conueniens sit Religiosum esse obe-  
dientiæ studiosum.*

#### CAPUT XXIV.

**F**ili, si constituas apud animum tuum  
me imitari, necessarium est, ut decernas  
toto.

toto pectore obedientiæ virtutem amplecti, idoneumq; te reddas ad integrum obedientiam præstandam. Recordare me formâ serui assumpisse, ut submitterem me, obediemq; hominibus propter salutem tuam. Nec solùm proposui, publiceç; sum protensus me venisse non ad perficiendâ meam, sed patris, à quo missus eram voluntatem, sed etiam tempestiuè cæpi patere legi eius, ad quam tamen non tenebar, mandatis, atque ad eorum obseruationem, nec pudore, nec dolore, nec mortis periculo fui absterritus. Imò, sicut Euangelista meus Ioannes scripsit, obedientiam appellauim meum cibū. nec iniuria nihil enim erat in hac vita quod æquè me oblectaret, ac mei Patris cælestis voluntas; sic prorsus ut quicquid amarum & acerbum incideret, dulcescet. Qua de causa passionis calix qui humanitati erat amarissimus, promptissimè à spiritu, velut suauissimus, est acceptatus, quia manu obedientiæ per Patrem porrigebatur. **Quis ergo religiosus iure poterit repudiate obedientiâ, quæ mihi sunt cibus?** Malum signum est, quando Domini cibus displicet seruo.

Ioan. 4.

¶ At quid demum esse potest fili, quod tibi non arrideret in Obedientia? An forte quod animaduertas te subiectū homini? aut quod

Q. 2 erubet.

erubescis alieno parere imperio? Ego sum  
vniuersitatis huius Dominus, sum Patris cę.  
Iestis sapientia, & tamen hominibus subie-  
ctus fui, nec obiter tantum, aut paucis vici-  
bus, sed indē à prima ætate vsque ad igno-  
miniosam crucis mortem. Neque dunta-  
xat obediui hominibus iustis & probis, vt  
mæ matri, & Iosephō meo nutritio, sed e-  
tiam iudicibus iniquis, vt Annæ, Caiphæ,  
Herodi & Pilato, qui cum scirent me iniu-  
stè accusatum, nec posse aliquid eorum,  
quæ improbè obiicerentur probari, tamen  
me condemnarunt ad spinas, flagella &  
crucem ipsam, totumque nulla appellatio-  
ne facta, nulla apologia adhibita, imò nul-  
lo verbo edito patienter tolerauit. Obtem-  
perauit quoq; peruersis eorum ministris, qui  
sine causa mihi infregerunt colaphos, vul-  
tum conspuerunt, & per vias publicas hinc  
indē cum summa ignominia traxerunt. De  
quibus omnibus nihil sum conquestus, imò  
cum possem omnia vindicare, & ob summā  
iniuriam mihi illatam iustissimè illos casti-  
gare, tamen me continui, & promptè o-  
mnia quæ mihi mandarunt, sum executus.  
Age dic mihi, an tibi adhuc durum sit & a-  
sperum obedire? Tu non es ob obedienti-  
am alligatus columnæ, & flagellatus, sicut  
ego.

ego. Tu non es manibus in terga reuinctis,  
funeque in collum iniecto per publicas vr-  
bis plateas tractus, sicut ego. Potestne fieri,  
ut pudeat te obtemperare in rebus bonis,  
quæ in tuam laudem meritumque redun-  
dant; postquam ego Dominus tuus obtem-  
perauit in rebus malis, in meū dedecus, tor-  
mentum & ignominiam cedentibus? Ra-  
tiocinare nunc tecum, utrum conueniat  
potius promptè obsequi Superiorum man-  
datis, an verò reniti, si quid imperetur parū  
tuo palato gratum. quod etiam si factu sit  
facile, inimicus tamen efficiet, ut appareat  
arduum & difficile, ut vel prorsus non pare-  
as, vel meritum saltem obedientiæ perdas.  
Exemplo esse possunt Adam & Eua paren-  
tes primi: quibus cum à Domino mandatū  
datum esset, ut abstinerent à fructibus vnius  
arboris in paradiſo existentis, quod non e-  
rat graue & difficile, cum suppterent ibidē  
aliæ arbores multæ fructibus onustæ. At  
callidus humani generis hostis in animis  
eorum effecit, ut videretur quo durius mā-  
datum, & facilius eos perduceret ad præua-  
rationem. Non debet difficile videri seruo-  
ram viam inire, quam Dominus eius crām  
multo maiori ante ipsum discrimine est in-  
gressus, & quamuis iter periculosum foret,

Q. 3

modo

modo impossibile non sit, conuenit ut perficiat.

FILI, quamdiu auicula libera & soluta vagatur in cāpis facit quod libuerit: at quādo capta est, & in caueā inclusa, facit quod voluerit Dominus. Cum degeres in seculo, viuebas arbitratu tuo, comedebas quando libebat, faciebas quicquid placebat, quia eras tibi ipsi Superior; quod tunc congruens erat; quandoquidem in mundo professionem omnes faciunt, ut quisque suo nutu & modo gubernetur. At quando seculo renunciasti, delegisti tibi alium Superiorē, qui locum meum obtineret, ac professionē fecisti non ex arbitratu & iudicio tuo, sed alieno vitam instituendi. Qui ergo in religione existens pergit viuere modo suo, quemadmodū faciebat in seculo, declarat se nondū ē seculo ad religionem demigrasse, aut foris quidem demonstrat se religiosum, sed iustus & in cute est secularis, vel potius neuter est, nec religiosus, nec secularis. Vbi non est obedientia, ibi non potest religio nomine suum tueri: quia nec subditi diu conseruari possunt, cum non sint cum capite coniuncti. Præcipuum ciuitatis propugnaculum est concordia & vnio ciuium. Sic vnio subditorum cum superiore capite suo, quam efficit

efficit obedientia, est salus religionis. Vbi obedientia est, est consensio, consensio autem conseruat & corroborat quamvis congregationem multorum. Apostoli mei numero fuere pauci, & in conspectu mundi abiecti, tamen magna fecerunt, quia fuerunt concordes, & mihi suo Superiori tam obsecuentes, ut ne perderent obedientiam, maluerint perdere vitam; si modo obedientis mori potest. Quare qui negligit obedire etiam in rebus paruis, non cognoscit obedientiae valorem, sicut cognouerunt Apostoli & Apostolorum magister, qui potius parati fuerunt perdere vitam, quam deserere obedientiam.

IN militia seculari tanti fit obedientia militum erga bellum duces, ut nonnunquam ob leuissimam inobedientiam morte multentur. cum tamen qui nomine dant militiam nullum votum obedientiae faciant, sed tantum iurati spondeant se hosti bellum illatueros, & urbem vel propugnaculum defensuros. Si ergo militia temporalis tam exactam postulat obedientiam, nec ullam etiam in rebus exigui momenti inobedientiam impunè permittit, quantam meritò requirat militia spiritualis & religiosa, in quam nullus admittitur nisi religione voti se astrinxat.

Q4

gat

gat ad Obedientiam? Quomodo verò potest tolerari in hac villa incobedientia, cum huius militiae ita proprium sit obedire superioribus, ut sublata obedientia, militia spiritualis tota concidat.

Sunt nonnulli, qui Superiorem quidē aliquem non detrectent, sed nollent sibi aliquid ab eo, maximè si molestum & graue sit, imperari. Hoc desiderium non est boni & veri religiosi ad perfectionem tendentis; immò hoc est velle videri nomine religiosum, non facto, ac optare ut Superior sit statua, non homo. Alij volunt Superiorem esse sedulum in procurandis necessariis ad vivitum, vestitum, aliaque commoda pertinentibus, ac ut in omnibus euentibus eorum tutelam & patrocinium suscipiat. Verū non optant eum æquè vigilantem in observatione disciplinæ religiosæ, quæ tota pendet ab obedientia. Quod desiderium multò deterius est primo. Hoc enim optare, non est aliud, quam velle, ut Superior subditos suos faciat non bonos religiosos, sed otiosos & ignauos, qui corpora quidem rectè curet, sed animam in via spirituali non dirigat: qui sit bonus socius, & bonus superior. Subditus, qui vult Superiorem suum non præstare boni Superioris officium, aperte decla-

declarat se nec boni subditi officium præstare.

*De primo obedientiæ gradu, qui consistit in executione.*

### CAPUT XXV.

FILI, non arbitreris te multum præstitifse, si quando executus fueris superioris mandatum: hic enim infimus obedientiæ gradus est, & omni subditorū generi communis, siue sint mancipia, siue serui. Immò deprehenditur quoque in animalibus brutis, quæ vadunt, quocunque dux ea perduxerit, & faciunt, quicquid libuerit ei qui eorum curam gerit. Miser religiosus est, qui dum non paret superioris voluntati, minus facit, quam animalia bruta. Quamvis autem hic primus Obedientiæ gradus, qui consistit in executione eius quod mandatur ex se sit infimus, tamen si, quemadmodū conuenit, seruetur, mihi est pergratus. Obedientiam meam, quam Patri cœlesti præstigi quatuor conditiones gratiorem reddiderunt. Promptitudo, integritas, fortitudo & perseverantia. Eadem acceptam reddunt obedientiæ religiosi, & hoc faciliores sunt, quod ex voluntate ad me imitandum cupido proueniunt.

Q5

Obe-